



Fidoyilik —
Vatanga xizmat demak!

2025-yil 13-may, seshanba,
56 (24.082)-son

O'zbek xalq
maqoli

Ishlagan
xor
bo'lmas

1913-yil aprel oyidan chiqa boshlagan



www.zarnews.uz



https://www.facebook.com/zarnews.uz



@zarnews_uz



https://twitter.com/zarnews_uz

O'ZBEKISTON - QIRG'IZISTON TURIZM FORUMI



Samarqand shahrida O'zbekiston – Qirg'iziston turizm forumi bo'lib o'tdi. Unda Qirg'iz Respublikasidan kelgan va Samarqandda faoliyat ko'rsatayotgan sayyohlik sohasi mas'ullari, tadbirkorlar ishtirok etdi. Shuningdek, forumda ayni paytda tashrif bilan mamlakatimizda bo'lib turgan Qirg'iz Respublikasi Jogorku Keneshi Torag'asi o'rinbosari Nurlanbek Azigaliyev qatnashdi.

O'zbekiston Respublikasi Turizm qo'mitasi raisi Umid Shodiyev mamlakatimizda turizmni rivojlantirish, xususan, Markaziy Osiyoda yagona sayyohlik yo'nalishini tashkil etish, bu borada Qirg'iz Respublikasi bilan hamkorlikda amalga oshirilayotgan ishlar haqida so'z yuritdi.

Ta'kidlanishicha, 2024-yilda O'zbekistonga qirg'izistonlik 2 milliondan ortiq sayoh kelgan. Bugungi kunda O'zbekiston va Qirg'iziston shaharlari o'rtasida har kuni 11 ta aviaqatnov amalga oshirilmoqda. Ikki davlat fuqarolari ID karta orqali chegaradan o'tib-qaytadi.

Qirg'iz Respublikasi turizm

taraqqiyotini qo'llab-quvvatlash fondi prezidenti Q.Risaliyev O'zbekiston va Qirg'iziston o'rtasida turli sohalaridagi o'zaro manfaatli hamkorlik turizm yo'nalishida ham jadal rivojlanib borayotganini ta'kidladi. Mazkur forum esa bu boradagi ishlarni yanada jadal-lashtirishga xizmat qilishini qayd etdi.

Forumda ikki mamlakat turizm salohiyati, mavjud imkoniyat va resurslari haqida soha mas'ullari tomonidan taqdimotlar o'tkazildi.

Bundan tashqari, forumda Samarqand shahridagi xalqaro turizm markazi, "Ipak yo'li" xalqaro turizm va madaniy meros universiteti faoliyati haqida ma'lumot berildi.



Joriy yilning fevral oyidan boshlab Samarqand shahri va Urgut tumanini bog'lovchi temiryo'l qurishga kirishilgan edi.

Uzunligi 55 kilometr bo'lgan yangi tarmoq "Toshtemiryo'lloyiha" mas'uliyati cheklangan jamiyati tomonidan ishlab chiqilgan bosh reja asosida, zamonaviy muhandislik yechimlari hisobga olingan holda barpo etilmoqda.

Samarqand shahar hududidan boshlanuvchi yangi temiryo'l tarmog'i Jomboy tumanidagi "MAN" zavodi yaqinidan 4R-238 avtomobil yo'lini kesib, Zarafshon daryosi bo'ylab o'tadi va ushbu daryo ustida barpo etiladigan ko'priq orqali Urgut tumaniga boriladi.

Kecha yangi temiryo'l tarmog'ini tortish ishlari boshlandi. Shu munosabat bilan tashkil etilgan tadbirda viloyat hokimi vazifasini bajaruvchi Adiz Boboyev yangi temiryo'l tarmog'i aholining uzog'ini yaqin qilishi, turizm, savdo-sotiq va ishlab chiqarilayotgan mahsulotlarni eksport qilish imkoniyatini yanada oshirishini ta'kidladi.



Andakda paraplanda uchish mumkin

Urgut tumanidagi Andak mahallasi tog'larida xalqaro paraplan festivali bo'lib o'tdi.

Festival ochilishida viloyat hokimi vazifasini bajaruvchi Adiz Boboyev so'zga chiqib, ishtirokchilarga omad tiladi va ekstremal turizm turlarini ommalashtirish xorijiy va mahalliy sayyohlar sonini oshirish maqsadida Urgut doimiy ekstremal turizm turlari o'tkaziladigan joyga aylantirilishini hamda kelgusida hududda dor yo'li qurilishini ta'kidladi.

Samarqandda ilk bor o'tkazilgan festivalda Buyuk Britaniya, Fransiya, BAA, Rossiya, Belarus, Qozog'iston, Tojikiston, Ukraina kabi o'nga yaqin davlatdan 100 nafar paraplanchi qatnashdi.

– Mamlakatimizda birinchi paraplan festivali Samarqand-

da o'tkazilayotgani bejiz emas,

– deydi o'zbekistonlik paraplanchi, tadbir tashkilotchisi Alisher Islomov. – Urgut tog'larini paraplan bilan shug'ullanish va parvoz qilish uchun juda mos joy. Biz to'rt yil davomida hududning iqlimi va sharoitini o'rganib, bunga amin bo'ldik. Xorijliklarga ham hududning baland tog'larini, havosi, to'siqlarning yo'qligi ma'qul bo'ldi. O'zbekistonda paraplan endi ommalashyapti va buni turizmning yangi yo'nalishi, qolaversa, tog' turizmi sifatida yanada rivojlantirish kerak.

Festival davomida paraplan shoulari va musobaqalari, gas-tronomik ko'rgazmalar, konsertlar, milliy o'yinlar, qiziqarli tomoshalar namoyish etildi.

F.RO'ZIBOYEV.

Urgutga temiryo'l tarmog'i tortish ishlari boshlandi



"O'zbekiston temir yo'llari" AJ kapital qurilish direksiyasi boshlig'i o'rinbosari Anvar Allamuratovning ta'kidlashicha, temiryo'l o'tadigan yo'lning 25 kilometriga temiryo'l tarmog'i tortish uchun quri-

lish-montaj ishlari olib borilgan.

Shuningdek, ikkita vokzal qurilishi boshlangan bo'lib, birinchisi Urgut tumani markazida, ikkinchisi Jar tepa hududida barpo etilmoqda.

TERSAK RASMAN "TURIZM QISHLOG'I" BO'LDI



Urgut tumanidagi Tersak mahallasiga "turizm qishlog'i" maqomi sertifikatini topshirildi. Shu munosabat bilan o'tkazilgan tadbirda Turizm qo'mitasi raisi U.Shodiyev, viloyat va Urgut tumani hokimliklari mas'ullari ishtirok etdi.



Tersak Taxti qoracha dovoni yoqasida, tog'lar orasida joylashgan mahalla. To'rt qishloqdan iborat mahallaning go'zal tabiati, musaffo havosi kishini o'ziga rom etadi. Tersakka 2021-yilda turizm qishlog'i maqomi berilib, hudud infratuzilmasi yaxshilandi, yangi mehmon uylari tashkil etildi, har bir xonadonda sayyohlarni qabul qilish uchun sharoit yaratildi. Bugungi kunda

hududda 32 ta mehmon uyi mavjud. O'tgan yil 10 ming nafar xorijlik, 25 ming uchun sayyohlar mahallaning go'zal tabiati, musaffo havosi kishini o'ziga rom etadi. Tersakka 2021-yilda turizm qishlog'i maqomi berilib, hudud infratuzilmasi yaxshilandi, yangi mehmon uylari tashkil etildi, har bir xonadonda sayyohlarni qabul qilish uchun sharoit yaratildi. Bugungi kunda

Joriy yilning 10-12-may kunlari "Qo'rg'on dostonchilik maktabi va Ergash Jumanbulbul o'g'li merosi" mavzusida xalqaro ilmiy-amaliy konferensiya hamda "Qo'shrabot navosi-2025" respublika baxshilar tanlovi tashkil etildi.

HAR BAHORDA QO'RG'ONDA YIG'ILAR BAXSHILAR

O'tgan yil ilk bor tashkil etilgan festivalda bu tadbirni har yili o'tkazishga kelishib olingan edi. Shu sabab taniqli baxshilar, folklorshunos olimlar, shoir va yozuvchilar, madaniyat xodimlarining har bahorda Qo'shrabot tumanining Qo'rg'on qishlog'ida yig'ilishi an'anaga aylanmoqda.

Festivalning ochilish marosimi Ergash Jumanbulbul o'g'li muzey majmuasida xalq sayli tarzida boshlanib, kechki payt Jo'sh istirohat bog'ida katta konsert dasturi bilan davom etdi.

Tadbirlarda taniqli baxshilar, Turkiya, Xitoy va Qozog'istondan kelgan san'atshunoslar hamda O'zbekistonda baxshichilik yo'nalishi rivojiga hissa qo'shib kelayot-

Qo'shrabotda baxshilar festivali



gan olimlar, shoir va yozuvchilar, madaniyat xodimlari, keng jamoatchilik vakillari qatnashdi.

G'OLIBLARNI ANIQLASH OSON KECHMADI

Festivalning ikkinchi kunida "Qo'shrabot navosi-2025" respublika baxshichilik tanlovinin asosiy qismi tuman markazida joylashgan 1-ixtisoslashtirilgan maktab-inter-

natida tashkil etildi.

Unda 10-17 yoshli, shuningdek, 18 va undan katta yoshdagi baxshilar dostonlardan parchalar hamda termalar kuyladi.

– Tanlovda respublikamizning turli hududlaridan kelgan 71 nafar baxshi ishtirok etgan bo'lsa, har birining o'ziga xos ovozi, o'ziga xos yo'nalishi bor, – deydi O'zbekiston xalq baxshisi Rasul Umirov. –

Shuning uchun ham biz, hakamlar hay'ati a'zolariga tanlov g'oliblarini aniqlash oson kechmadi. Tanlov bahona tajriba almashinyapti, mahorat darslari tashkil qilinib, yangi ovozlari, yangi iste'dodlar kashf etilyapti.

TOSHDAN YASALGAN EGAR 3 MING DOLLARGA SOTILDI

Festival doirasida hunarmandchilik mahsulotlari ko'rgazmasi namoyish etildi. Ko'rgazmada viloyatimizning shahar va tumanlaridan 31 nafar hunarmand qo'l mehnati mahsulotlari bilan ishtirok etdi.

– Bunday ko'rgazmalarining tashkil etilganidan xursandmiz, – deydi qo'shrabotlik hunarmand, o'yamakor Kenjabek Ernazarov. – Bu biz, hunarmandlarning mehnatini yuzga qicharishda, mahsulotlarimizga xaridor topilishida qo'l keladi. 30 yildan beri tosh o'yamakorligi bilan shug'ullanaman. Marmar toshdan turli narsa-buyumlarning maketlarini tayyorlayman. Yaqinda toshdan egar yasagan edim. Bu mahsulot turkiyalik sayyohlar e'tiborini tortibdi. Tosh egar 3 ming dollarga sotildi.

(Davomi 3-sahifada) >>>

MAKTABDA 11 YIL O'QISH SHARTMI?

Ikki yil avval bir anjumanda turkiyalik rektor so'zga chiqib: "Institutimizda 25 ming nafar talaba o'qiydi. Ularning 5 ming nafari pedagogikadan tahsil olsa, qolgan 20 ming nafari kasb-hunar o'rganadi", degan edi. Demak, Turkiyada kasb-hunar o'rganishni istovchi yoshlar ko'p ekan. Xo'sh, bizda-chi, degan savol tug'iladi. Bugun viloyatda 69 ta professional ta'lim muassasalari, ya'ni 37 ta kasb-hunar maktabi, 12 ta kollej va 20 ta texnikum faoliyat yuritmoqda. Professional ta'lim muassasalarida 135 ta kasb bo'yicha 47569 nafar o'quvchi tahsil olmoqda.



To'g'ri, respublikamizda maktab bitiruvchilarining barchasini oliy ta'limga qamrab olishning imkoni yo'q. Shuningdek, hamma ham oliy ta'limda o'qishni istamaydi, to'g'rirog'i, o'qishga qiziqmaydi. O'qishga ishtiyoqi sust o'quvchilarni 9-sinfdan kasb-hunarga yo'naltirilgan professional ta'lim muassasasi ochilgan. Ammo yoshlarimiz kasb-hunar egasi bo'lishni istaydimi? Bu borada soha vakillarining fikrlariga qiziqdik.

- Oliy ta'limda o'qishni xohlamaydigan bitiruvchilar tezroq maktabni bitirib, chetga ketishni istaydi, - deydi Toyloq tumanidagi 22-umumiy o'rta ta'lim maktabi direktori Dilafo'z Ulug'bo'yeva. - Bozorimiz yaqin, xorijga ketmaganlari savdo bilan shug'ullanadi, restoran, kafelarda ishlaydi. Ayrim ota-onalar farzandining oliy ta'limga kira olmasligini bilsa-da, maktabni bitirsa bo'ldi qabilida maktabda o'qitaveradi.

Lekin yaxshi o'qimay-

digan bolalar ham ertaga oliy ta'lim muassasasiga hujjat topshiradi. Ularning hisobidan maktab reytingi tushib ketadi. Bu borada ko'rsatkichimiz yomon emas. Tumanning chekka hududlarida bu masala juda og'ir.

Keyingi yillarda Toyloqdagi yettita kollejdun uchtasini maktab qilishdi. Bor-yo'g'i ikkita kollej kasb-hunar maktabiga aylantirildi. Endi shularni kuchaytirish, moddiy-texnik bazasini boyitish, o'qishi sust bolalarni aniq, maqsadli kasbga yo'naltirish kerak.

- Maktabimizda kollej va texnikumlariga o'qishga kirishni istovchi o'quvchilar talaygina, - deydi Oqdaryo tumanidagi 22-umumiy o'rta ta'lim maktabining nemis tili fani o'qituvchisi, "Shuhrat" medali sohibi Charos Nurmamatova. - Masalan, o'zim ham darsdan keyin tuman markazida joylashgan "Aql ziyosi" o'quv markazida yoshlarga nemis tilini o'rgataman. O'quv marka-

zida tahsil olayotganlar ichida maktab o'quvchilaridan tashqari 30-35 yoshli fuqarolar ham bor. Ular Germaniyaga kasbga o'qish uchun tayyorlanayapti. O'quvchilar nemis tilidan B1 yoki A2 darajali sertifikat olsa, Germaniyaga o'qish yoki ishlash uchun ketadi. Markazda yuzga yaqin yoshlar o'qiyapti. Tuman hokimligi tomonidan ularning o'qishi uchun har biriga 200 ming so'mdan to'lab berilyapti. O'zim ham avgust-sentabr oylarida Germaniyada malaka oshirib keldim.

Chet tilini biladigan yoshlarga bugun imkoniyatlar keng. Shu o'rinda bir taklifim bor. Nemis tili maktablarda 1-sinfdan o'tilsa, bolalar tilni yaxshi o'rganadi. Tuman bo'yicha faqat bizning maktabimizda nemis tili 1-sinfdan o'rgatiladi.

- Bugun yoshlarimizda oliy ta'lim muassasalariga o'qishga kirish ishtiyoqi kuchli, - deydi Samarqand shahridagi 81-umumiy o'rta ta'lim maktabi direktori Alovuddin Ochilov. - Oliy ta'limga kira olmaganlari ham yana ikki-uch yil tayyorlanib, o'qishga kirayapti. Yoki kam ball to'plagan bo'lsa ham xususiy oliy ta'lim muassasalariga kirib o'qiyapti.

Yoshlar ko'proq pul topish maqsadida savdo sohasiga, tadbirkorlik va biznesga qiziqyapti. Maktabimiz joylashgan Qorasuv maskani misolida aytadigan bo'lsam, maskanga quruvchi, santexnik, buyoqchi, oshpaz, mebelsoz kabi kasblar juda kerak. Ammo bunday kasb egalari boshqalardek har kuni kostyum-shim kiyib ishga bormaydi, maoshi ham uncha ko'p emas. Shuning uchun yoshlar kasb-hunar o'rganishni uncha xohlamaydi.

- Bizda har yili 9-sinf bitiruvchilarining ayrimlari kasb-hunar maktabiga ketadi, - deydi Toyloq tumanidagi 21-umumiy o'rta ta'lim maktabi direktori o'rinbosari Sayfulloxon Temirxonov. - Masalan, joriy yilda 9-sinf bitiruvchilarining 30 nafarga yaqini kasb-hunar maktabiga ketish istagini bildirgan. Maktabimiz yaqinida kasb-hunar maktabi bor.

Ushbu fikrlardan bilish mumkinki, har bir hududda kasb-hunar o'rganishga qiziqish turlicha. Ba'zilar oliy ma'lumotli bo'lish ortidan yaxshi daromad topishni istasa, boshqalar xorijsa ishga ketib, mo'lay pul to-

Dolzarb mavzu



pishni xohlaydi. Lekin oramizda o'z kasbining ustasi bo'lib, uning ortidan yetarli mablag' topayotganlar ham yo'q emas. Masalan, bugun mahoratli tikuvchi, tajribali oshpaz maktab direktoridan ko'p pul topadi. Faqat yoshlarni kasbga yo'naltirish ota-onalarga bog'liq. Avvallari farzandlar ota kasbini davom ettirishgan, ya'ni ota kasbi ortidan mo'lay daromad topgan. Hozir ham oz bo'lsa-da, ayrim hududlarda bunday udum saqlanib qolgan. Kattaqo'rg'on tumanining Payshanba shaharchasida holvapazlik bilan shug'ullanib kelayotgan oilalar ota kasbini asrlar davomida saqlab kelayotgani hech kimga sir emas.

Aslida xorijda ishlashni istovchilar ham 9-sinfdan biron kasb o'rganani maqsadga muvofiq. Sababi xorijda pul topish oson emas. Ayniqsa, qo'lida hunari yo'q odam eng past darajali ishni bajarishiga to'g'ri keladi. Qo'lida kasbi bor va chet tilini biladiganlar xorijda ish topishda qiynalmaydi. Buni ota-onalar farzandlariga tushuntirishi va ularni biron kasbga yo'naltirishi kerak.

Darhaqiqat, ayrim ota-onalar farzandining oliy ma'lumot olishi va davlat tashkilotlarida ishlashini istaydi. Hatto farzandi maktabda yaxshi o'qimasa ham uni kasb-hunarga yo'naltirmaydi.

- O'g'lim maktabda yaxshi o'qimaydi, - deydi kattaqo'rg'onlik Nilufar Qahhorova. - Ammo men uning oliy ma'lumotli bo'lishini xohlayman. Davlat tashkilotida ishlaydigan kishilarga havasim keladi. Shuning uchun o'g'limni xususiy oliy ta'lim muassasalaridan birida o'qitmoqchiman.

Keyingi yillarda oliy ta'lim muassasalariga o'qishga kirish qiyin bo'lmay qoldi. Ayniqsa, xususiy oliy ta'lim muassasalari kam ball to'plagan abituriyentlarni ham o'qishga qabul qilyapti. Shuning uchun ham ayrim yoshlar diplom olish maqsadida xususiy oliy ta'lim muassasalariga kirib o'qiyapti. ***

Masalaning yana bir tomoni bor. O'tgan o'quv yilida viloyatdagi 1248 ta maktabni 49315 nafar bitiruvchi tugatgan. Shuningdek, 82 ming nafarga yaqin bola 1-sinfga qabul qilingan. Bu degani, bitiruvchilardan 1,5 baravar ko'p o'quvchi maktabga qabul qilinayapti. Bu raqam har yili shu tarzda oshib borsa, kelgusida o'quvchilarga maktablar yetishmaydi. Shundoq ham viloyatimizda ikki va undan yuqori koefitsiyentli maktablar ko'p.

Shuning uchun bemaqsad o'qiyotgan o'quvchilarni kasb-hunarga yo'naltirish lozim. Buning ortidan avvalo, o'quvchi kasbli bo'ladi, maktablar koefitsiyenti me'yorlashadi, ba'zi kasbga ehtiyoji bor sohalarda o'rni to'ladi. Maktabda 11 yil o'qish shart emas.

Xurshida ERNAZAROVA.



Mullako'rpada anjir ekilmagan tomorqa qolmadi

Kattaqo'rg'on tumani aholisi uchun "Agrobank" tomonidan 100 mingta anjir va xurmo ko'chatlari tarqatilgan edi. Jumladan, tumanning Mullako'rpa mahallasidagi aholi tomorqalariga 2500 tup anjir ko'chati o'tqazildi.

Mahallada shu paytgacha aksariyat xonadonlarda anjir yetishtirilardi. Ushbu xonadonlarning har biriga 5-10 tadan, shu paytgacha anjir yetishtirmagan tomorqa egalari 50 tadan ko'chat tarqatildi.

- Anjir yetishtiradigan qo'shnilarimga havas qilardim, - deydi shu mahallada yashovchi Oybek Aminov. - Shu yil men ham tomorqamga anjir ko'chatini o'tqazishni niyat qilib turgandim. "Agrobank" ko'magida mahallamizga keltirilgan ko'chatlardan 50 ta oldim. Bu ko'chatlar yaqin 3-4 yilda yaxshigina daromad keltirishiga ishonaman. Asosiysi, qo'shnilarim kabi biz ham oilamiz bilan anjir parvarishlaydigan bo'ldik. Farzandlarim ham xursand.

Azamat ota Bo'ronov anjir yetishtirib, har yili mo'l hosil olib, ro'zg'origa qo'shimcha daromad keltirayotgan tajribali dehqonlardan biri. U shu paytgacha tomorqasidagi 10 sotix maydonda 20 tup anjir daraxtini parvarishlab kelardi.

- Esimni taniganimdan beri anjir yetishtirish bilan shug'ullanaman, desam mubolag'a bo'lmaydi, - deydi u. - Daromad ham yaxshi. Har bir tupidan o'rta 100 kilogram hosil olish mumkin. Uning kilogramini 15-20 ming so'mdan sotamiz. Yaqinda mahallamizga Turkiyadan keltirilgan anjir va xurmo ko'chatlarining har biridan 5 tadan olib, tomorqaga o'tqazdim. Aytishlaricha, ular anchagina serhosil ekan. Buni vaqt ko'rsatadi, albatta. Shu yil ekan ko'chatlarimiz 3 yildan keyin hosilga kiradi.

Bank xodimlari tashabbusi bilan tarqatilgan ko'chatlar tomorqalarga o'tqazilgach, Mullako'rpada anjir ekilmagan xonadon qolmadi. Bu bilan hududda "Bir mahalla - bir mahsulot" tamoyili asosida amalga oshirilayotgan ishlar ko'lami yanada kengaydi.

To'lqin SIDDIQOV,
Husan ELTOYEV
(surat).

Yashil iqtisodiyot - barqaror rivojlanish asosi

Yashil iqtisodiyot - insonning resurslarga nisbatan mas'uliyatli munosabatini nazarda tutuvchi iqtisodiy rivojlanish modeli. U iqtisodiy o'sish va tabiiy boyliklarni saqlab qolish o'rtaidagi oqilona murosani topishga qaratilgan. Bugun yer osti va yer usti boyliklari ayovsiz sarflanadigan bo'lsa, yaqin kelajakda katta muammolar yuzaga kelishi turgan gap. Bugungi kunga kelib O'zbekiston mintaqadagi iqlim o'zgarishi va ekologik muammolarga qarshi kurashish va barqaror rivojlanishni ta'minlashda muhim qadamlarni tashlamoqda. Samarqand iqlim forumi esa O'zbekistonga bir qator afzalliklar taqdim etdi. Xususan, forum O'zbekistonning mintaqaviy va xalqaro ekologik masalalarda yetakchi davlat ekanini ko'rsatdi. Bu esa butun dunyo davlatlari, ekologik tashkilotlar, shuningdek, tashqi investorlarning mamlakatga bo'lgan ishonchini oshiradi.

Bugungi kunda iqlim o'zgarishining global miqyosdagi salbiy ta'siri barqaror rivojlanishga jiddiy ta'sir ko'rsatmoqda. Yashil iqtisodiyot konsepsiyasiga tobora ko'proq e'tibor qaratilmoqda. Yashil iqtisodiyot atrof-muhitga zarar yetkazmagan holda iqtisodiy o'sishni ta'minlash, tabiiy resurslardan oqilona foydalanish hamda kelajak avlodlar manfaatini inobatga olgan holda barqaror taraqqiyotga erishish tamoyillariga asoslanadi.

Markaziy Osiyo mintaqasida joylashgan mamlakatlar iqlim o'zgarishidan jiddiy jabr ko'rmoqda. Yaylovlar qurib borayotgani, suv resurslarining tobora kamayib, tanqis bo'layotgani va chang bo'ronlari bu muammolarning aniq misollari hisoblanadi. Jumladan, energiya sohasidagi qazib olinadigan yoqilg'iga qaramlik muammosi ham dolzarbligi bilan iqlim muammolarini keltirib chiqarmoqda. O'zbekistonning energiya sektori hali ham ko'p jihatdan tabiiy gaz va neftga tayanadi. Bu esa CO₂ ajralishiga, iqlim o'zgarishining yanada kuchayishiga olib kelmoqda. Yoqilg'i manbalariga qaramlik mamlakatning energetika xavfsizligini

zaiflashtiradi. Muammoning yechimi sifatida esa yashil iqtisodiyotga o'tishning birinchi bosqichi sifatida qayta tiklanuvchi energiya manbalariga (quyosh, shamol, geotermal) sarmoyani oshirish va texnologiyalarni import qilishni rag'batlantirishni yo'lga qo'yish lozim. Shuningdek, energiya samaradorligini oshirish uchun "Yashil mahalla" loyihalari orqali uylar va kichik biznes obyektlarini quyosh panellari bilan ta'minlash lozim.

Suv tanqisligi va qishloq xo'jaligida isrofgarchilik ham muhim muammolardan hisoblanadi. Iqlim o'zgarishi tufayli O'zbekistonning ko'pgina hududlarida suv resurslari kamaymoqda. Ayniqsa, qishloq xo'jaligi usullari hali ham an'anaviy bo'lib, bu yer osti suvlarini haddan tashqari ishlatish va ekinlarni ortiqcha sug'orish bilan bog'liq. Muammoning oldini olish uchun esa suvni tejashning innovatsion texnologiyalarini qo'llash, ayniqsa, tomchilatib sug'orish tizimini kengaytirish zarur. Buning uchun hukumat qishloq xo'jaligiga subsidiyalarni ko'paytirib, ekologik agrobiznesni rivojlantirishi kerak.

Ekologik savodxonlikning pastligi ham kishilarda atrof-muhitni asrashga befarqlik va chiqindilarni qayta ishlashga qiziqishning kam-



ligiga olib kelmoqda. Bunday dolzarb muamмага yechim sifatida yoshlarni ekologik ta'limga jalb qilish va ularni hududlar bo'yab ekologik loyihalarda faol ishtirok etishga rag'batlantirish lozim. Shuningdek, maktab va oliy ta'lim muassasalarida "Yashil darslar" tizimi va eko-tadbirlar tashkil etilsa, maqsadga muvofiq bo'lardi. Sanoat korxonalari chiqindilarni to'g'ridan-to'g'ri tabiatga tashlashni davom ettirmoqda. Bu esa nafaqat ekologik, balki salomatlikka ham jiddiy tahdid solmoqda. Tahdid xavfini kamaytirish uchun sanoat korxonalarida ekologik monitoringni kuchaytirish, ekologik audit o'tkazish, chiqindilarni kamaytirish va to'liq qayta ishlash tizimini joriy etish zarur. Yashil iqtisodiyotga o'tish uchun maxsus moliyaviy vositalar va sarmoyalar yo'qligi sababli ekologik loyihalar moliyalashtirilmaydi yoki to'liq amalga oshirilmaydi. Bu muammoni bartaraf etish uchun yashil moliyaviy vositalarni joriy qilish, masalan, "Yashil bank"lar yaratish va yashil obligatsiyalar bo'yicha maxsus bozorlar tashkil etish kerak. Bu yashil loyihalarni moliyalashtirishni osonlashtiradi va sarmoyalarni jalb qiladi.

Samarqandda o'tkazilgan xalqaro iqlim forumida iqlim isishi ko'rsatkichi har yili 2 barobar yuqorilab, suv zaxiralari kamayib borayotganligi, abadiy muzliklar qisqarib ketayotgani, tuproq zaiflashib, hosildorlik pasayib borishi kabi muammolar ham

muhokama etildi. Muhokamaning asosiy mavzularidan biri global miqyosdagi ekologik halokatning yaqqol namunasi bo'lgan Orol dengizi inqirozi edi. Mutaxassislar va hukumat vakillari zarar ko'rgan hududlarda yerlarni tiklash, cho'llanishga qarshi kurashish va iqlim o'zgarishining ijtimoiy-iqtisodiy oqibatlarini kamaytirish bo'yicha barcha yechimlarni ko'rib chiqdi. Samarqand forumining yakuniy hujjati - "Yashil" rivojlanishning Mintaqaviy konsepsiyasi iqlim o'zgarishi sohasida Markaziy Osiyo davlatlarining yagona mintaqaviy qarashlarini shakllantirishga asos soladi. Ushbu konsepsiyani Braziliyada bo'lib o'tadigan COP28 doirasida tasdiqlash uchun tegishli choralar ko'rishga kelishildi.

Ta'kidlash joizki, O'zbekiston 2023-yilda COP28da rasman ishga tushirilgan sanoat dekarbonizatsiyasi va global darajada jamoaviy harakatni kuchaytirish bo'yicha tajriba almashish uchun platforma bo'lib xizmat qiluvchi, yuqori iqlim ambitsiyalariga ega 43 mamlakatning ixtiyoriy koalitsiyasi hisoblangan Climate Clubga a'zo bo'ldi. Shuningdek, Germaniya xalqaro hamkorlik jamiyati (GIZ) bilan "Atrof-muhitni muhofaza qilish, iqlimga qarshi kurash va tabiiy resurslardan barqaror foydalanish sohasida hamkorlik to'g'risida"gi anglashuv memorandumini imzolandi. Mazkur memorandum O'zbekis-

Atrof-muhitni asrash va "yashil" iqtisodiyot yili



ton va Markaziy Osiyo davlati atrof-muhitni muhofaza qilish, iqlimga qarshi kurashish, tabiiy resurslardan barqaror foydalanish va ularni boshqarish sohasida aniq harakatlar va tadbirlarni amalga oshirishda hamkorlikni davom ettirishga xizmat qiladi. Maqsad O'zbekistonning ekologik, iqtisodiy va ijtimoiy jihatdan barqaror, iqlim sharoitiga chidamli va emissiyasi kam bo'lgan rivojlanishiga hissa qo'shish va turli xalqaro konvensiyalar, shartnomalar shartlarini bajarishda qo'llab-quvvatlashdir.

Qolaversa, O'zbekiston Ekologiya, atrof-muhitni muhofaza qilish va iqlim o'zgarishi vazirligi va Qirg'iziston Tabiiy resurslar, ekologiya va texnik nazorat vazirligi o'rtaida Markaziy Osiyo atrof-muhit va iqlim o'zgarishini o'rganish universitetida (Green University) kadrlar tayyorlash uchun kvota ajratish to'g'risida memorandum imzolandi. Unga ko'ra, Qirg'iziston talabalariga 9 tagacha kvota o'rnlari ajratiladi (bakalavriat ta'lim yo'nalishlari uchun 5 tagacha, magistratura ta'lim yo'nalishlari uchun 4 tagacha). Memorandumdan maqsad mintaqaviy hamkorlik va barqaror rivojlanish, atrof-muhitni o'rganish va iqlim o'zgarishi sohasida salohiyatli kadrlar sonini oshirishdan iborat.

BMT Bolalar jamg'armasining (UNICEF) O'zbekistondagi vakolatxonasi o'rtaida strategik hamkorlik bo'yicha o'zaro anglashuv memorandumini tuzildi. Unga ko'ra, atrof-muhitni muhofaza qilish, iqlim o'zgarishiga moslashish va salbiy oqibatlarini ta'sirini yuqaratish, tabiiy ofatlar xavfini kamaytirish va bolalar uchun muhim xizmatlarning inklyuziv, barqaror va ekologik xavflarga tayyor bo'lishini ta'minlash yo'li bilan bolalar va yoshlarning chidamliligini mustahkamlash sohalarida o'zaro manfaatli hamkorlik rivojlantiriladi. Shuningdek, dolzarb ekologik masalalarda bolalar ishtiroki kengaytiriladi va ularning salomatligini ta'minlash ustuvor vazifaga aylantiriladi.



Bahora BOLIYEVA,
Samarqand davlat universiteti talabasi.

Qoʻshrabotda baxshilar festivali

(Davomi. Boshlanishi 1-sahifada).

SOʻLIM PANGAT SOYIDA SAYIL TASHKIL ETILDI

Tumanning Pangat qishlogʻidagi soy boʻyida festival ishtirokchilari uchun sayil uyushtirildi. Togʻlar bagʻrida joylashgan dam olish maskanlarida qadim qadriyatlarimiz aks ettirilgan madaniy chiqishlar, milliy taom - bodom oshi, tut shinnisi va qoqining tayyorlanish jarayonlari mehmonlar eʼtiborini tortdi.

- Koʻpgina davlatlarda boʻlganman, - deydi turkiyalik sanʼatkor Arzu Ay. - Ular ichida Oʻzbekiston boshqacha. Ayniqsa, bugun festival oʻtayotgan Qoʻshrabot tumanining musaffo havosi, taomlarining mazasi, odamlarining mehmondoʻstligi alohida tahsinga loyiq. Hududlarda oʻtayotgan festival doirasidagi qaysi tadbirga borsak, oʻzbek baxshilarining termalarini tingladik, tajriba almashdik.

ERGASH BAXSHI MEROSINI OʻRGANISH MUHIM MASALA

“Oʻrgʻon dostonchilik maktabi va Ergash Jumanbulbul oʻgʻli merosi” mavzusidagi konferensiya festivalning asosiy, muhim tadbirlaridan biri boʻldi. Oʻzbekiston Respublikasi



Fanlar akademiyasi Oʻzbek tili, adabiyoti va folklori instituti, Alisher Navoiy nomidagi Davlat adabiyot muzeyi hamda tuman hokimligi hamkorligida tashkil etilgan tadbirda folklorshunos olimlar, nufuzli oliy taʼlim muassasalari professor-oʻqituvchilari, doktorantlar, mustaqil tadqiqotchilar ishtirok etdi.

Anjumanda “Qoʻrgʻon dostonchilik maktabi”, “Baxshichilik sanʼatining yangi davrdagi taraqqiyoti”, “Ergash Jumanbulbul oʻgʻlining

boy maʼnaviy merosi va uning xorijiy davlatlarda oʻrganilishi” kabi mavzularda maʼruzalar oʻqildi.

- Ergash Jumanbulbul oʻgʻli xalq dostonlarini mahorat bilan ijro etgan, - deydi akademik Bakriddin Zaripov. - Uning yetti ajdodi shoir oʻtgan va mashhur baxshilar sifatida hamisha us-tozlar qatoridan oʻrin olgan. Hodi Zarif, Gʻozi Olim Yunusov, Muhammad Iso Ernazar oʻgʻli kabi olim va ziyolilar Ergash baxshidan 33 nomdagi asarlar-ni yozib olishgan. Uning asarlaridan namunalar va oqin ijodi haqidagi maqolalar soni 200 ga yaqin.

Festival doirasida “Uch avlod uchrashuvi”, “Yosh rassomlar ijodiy tanlovi”, ot sporti musobaqasi, uluq-koʻpkari va boshqa madaniy-maʼrifiy tadbirlar ham tashkil etildi.

Tumanning markaziy hamda Joʻsh istirohat bogʻlarida baxshilar, shuningdek, poytaxtimizdan va xorijdan kelgan taniqli sanʼatkorlar ishtirokida konsert dasturlari namoyish etildi. Festival doirasida oʻtkazilgan tanlovlar gʻoliblari, ularda munosib ishtirok etgan faollar diplom va qimmatbaho sovgʻalar bilan taqdirlandi.

Toʻlqin SIDDIQOV, Baxtiyor MUSTANOV, Xudoyor AKTAMOV (surat).

Qiziqarli uslublar oʻquvchini izlanishga undaydi

Rus tili fani oʻqituvchisi Munisa Shamsieva Zulfiya Isroilova hayoti va ijodiga bagʻishlab yangi metodlar orqali ochiq dars oʻtkazdi.

Darsda oʻquvchilar “Doʻppi”, “Xurmo”, “Bodom”, “Bugʻdoy”, “Tandir” va “Boychechak” metodlari orqali bir-biridan qiziqarli topshiriqlarni bajardi. “Bodom” metodidan foydalanilgan mashgʻulotda daraxt rasmi chizilgan va unga bodom mevasi rasmlari yopishtirilgan. Bodom

rasmi, yaʼni har bir kartochka orqasiga Zulfiyaxonim sheʼridan bir qator yozilgan boʻlib, oʻquvchi ushbu sheʼriy parcha shoiraning qaysi sheʼriga tegishli ekanini topishi kerak.

- Oʻquvchilardan uyga vazifani soʻrash uchun “Doʻppi” metodidan foydalandim, - deydi M.Shamsieva. - Metodni qoʻllashda doʻppini oʻzidan yoki rasmlaridan foydalansa boʻladi. Uyga berilgan mavzudan savol tuzib, doʻppini ichiga soldim. Har bir oʻquvchi navbat bilan chiqib, doʻppi ichidan savol olib, doʻppini boshiga kiyib javob beri-

shi kerak. Har bir toʻgʻri javob uchun oʻquvchiga ball qoʻyiladi. Darsning qiziqarli boʻlishi uchun savolga toʻgʻri javob bergan oʻquvchiga doʻppini olib ketishga ruxsat berildi, javob bera ol-magan oʻquvchi doʻppini joyiga qoʻyib ketdi.

- Dars jarayoni nafaqat men-ga, balki sinfdoshlarimga ham maʼqul boʻldi, - deydi 8-sinf oʻquvchisi Boburjon Joʻraev. - Menga koʻproq “Tandir” metodi yoqdi. Bu metodda koʻrgazmali qogʻozga tandir rasmi chizilgan boʻlib, ichiga somsa rasmlari yopishtirilgan. Somsa orqasiga

shoirarning sheʼrlari yozilgan. Bizga faqat Zulfiyaxonim sheʼrla-rini terib olish topshirildi. Koʻproq sheʼr yiqqan jamoaga yuqori ball berildi. Dars davomida Zulfiya Isroilova hayoti va ijodiga oid maʼlumotlarga ega boʻldik.

Ushbu metodlar oʻquvchilarda izlanish, qiziquvchanlik va yangi bilimlarni egallash istagini uygʻotadi. Bu orqali oʻqituvchi ham oʻz faoliyati va natijasini kuzatishi mumkin.

Nargiza GʻANIYEVA, Samarqand shahridagi 50-umumiy oʻrta taʼlim maktabi oʻqituvchisi.

REKLAMA, EʼLONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va eʼlonlar tezkor, samarali va hamyonbop / MUHOJAT UCHUN TELEFON: 66-233-91-56

SAMARQAND VILOYATI AHOLISI VA MEHMONLARI DIQQATIGA!

Hozirgi kunda Samarqand viloyati hududiga tegishli ruxsatnomasiz va sertifikatlasiz olib kirilgan hamda sotuvda boʻlgan va ishlatilayotgan radioelektron vositalar, jumladan, mobil aloqa tayanch baza stansiyalarining faoliyati uchun radioxalaqitlar keltirib chiqaruvchi va mobil aloqa xizmatlari sifatiga salbiy taʼsir koʻrsatuvchi uskunalar (repeaterlar) koʻpayib ketganligini inobatga olgan holda, Samarqand viloyati elektromagnit moslashuv xizmati ogohlantiradi:

Mobil kuchaytirgich (repeater)lar Oʻzbekiston Respublikasi Radiochastotalar boʻyicha Respublika Kengashining 2022-yil 23-avgustdagi 707-sonli qarorining 1-bandida keltirilgan texnik shartlar talablariga mos ravishda oʻrnatilgan boʻlishi va boshqa turdagi radioelektron vosita (REV)larga radioxalaqitlar bermasligi kerak. Mazkur qarorning 1-bandida keltirilgan texnik shartlarga mos kel-maydigan boshqa mobil aloqa tarmoqlari signalla-rini kuchaytirib beruvchi retranslyator qurilmalarni Oʻzbekiston Respublikasi hududida ishlab chiqish (yaratish), modernizatsiya qilish, ishlab chiqarish va xorijdan olib kirish (xorijdan xarid qilish) hamda ulardan foydalanish qatʼiyan man etiladi.

Mazkur qarorning 1-bandida keltirilgan texnik shartlarni bajarish hamda mobil aloqa tarmoqlariga xalaqitli taʼsirlar keltirmaslik talab-lariga majburiy rioya qilgan holda mobil aloqa tarmoqlari signallarini kuchaytirib beruvchi retranslyator qurilmalarni Oʻzbekiston Respublikasi hududida ishlab chiqarish, modernizatsiya qilish va oʻrnatish boʻyicha ishlarni bajarishga (shu jumladan, ularga xizmatlar koʻrsatishga) faqat faoli-yat turi boʻyicha tegishli litsenziyaga ega boʻlgan yoki mobil aloqa operatorlari nomidan shartnoma asosida ish yurituvchi yuridik shaxslarga ruxsat etilishi;

Oʻzbekiston Respublikasi hududiga mazkur qarorning 1-bandida keltirilgan texnik shartlarga mos keladigan retranslyator qurilmalarini xorijdan olib kirish, radiochastota organlarining oʻrnatilgan tar-tibda rasmiylashtirilgan olib kirish ruxsatnomasiga asosan amalga oshirilishi;

Retranslyator qurilmalaridan foydalanuvchilar oʻzlari tomonidan foydalanilayotgan qurilmalardan mobil aloqa operatorlari tarmoqlariga radioxalaqit hosil boʻlishining oldini olish uchun barcha zarur boʻlgan tashkiliy-texnik cho-ralarni koʻrishlari kerakligi;

Mazkur qarorning 1-bandida keltiril-gan texnik shartlar-

ga mos kelmaydigan boshqa mobil aloqa tarmoqlari signallari kuchaytirib beruvchi retranslyator quril-malarini Oʻzbekiston Respublikasi hududida ishlab chiqish (yaratish), modernizatsiya qilish, ishlab chiqarish va xorijdan olib kirish (xorijdan xarid qilish) hamda ulardan foydalanish qatʼiyan man qilinishi koʻrsatilib oʻtilgan.

Viloyat hududiga ruxsatnomasiz va sertifikat-siz olib kirilgan hamda sotuvda boʻlgan va ishlatilayot-gan, mobil aloqa tayanch baza stansiyalarining faoliyati uchun radioxalaqitlar keltirib chiqaruvchi va mobil aloqa xizmatlari sifatiga salbiy taʼsir koʻrsa-tuvchi uskunalar (repeaterlar) oʻrnatilgan tartibda musodara qilinadi va ularni olib kirishni amalga oshirgan shaxslarga nisbatan maʼmuriy javobgarlik choralari koʻriladi.

Oʻzbekiston Respublikasi Raqamli tex-nologiyalar vazirligi “Elektromagnit moslashuv markazi” davlat unitar korxona-si (“EMMM” DUK), Samarqand viloyati elektromagnit moslashuv xizmati turli diapazonlardagi ra-dioaloqa vositalariga, televide-niye va radioeshittirish (TV va RE) dasturlarini qabul qilishga taʼsir etuvchi radioxalaqitlarni bartaraf etish uchun jismoniy va yuridik shaxslardan buyurt-malarni qabul qiladi.

Radioxalaqitlarni bartaraf etish ishlari Oʻzbekiston Respublikasi-ning “Radiochastota spektri toʻgʻrisida”gi Qonuni asosida amal-ga oshiriladi.

Oʻzbekiston Respublikasining amaldagi qonun hujjatlariga muvofiq, Oʻzbekiston Respublikasi Raqamli texnologiyalar vazirligi “Elektromagnit mos-lashuv markazi” DUK Samarqand viloyati elektro-magnit moslashuv xizmati ogohlantiradi:

Respublika hududiga ruxsatnomasiz va serti-fikatsiz olib kirilgan hamda sotuvda boʻlgan va ish-latilayotgan radioelektron vositalari (uzoq masofali radiouzatkichlar, portativ radiostansiyalar va boshqa radiouzatkich vositalari) oʻrnatilgan tartibda muso-dara qilinadi va ularni olib kirishni amalga oshirgan shaxslarga nisbatan maʼmuriy javobgarlik choralari koʻriladi.

Radioelektron vositalarni respublika hududiga olib kirish uchun ruxsatnoma olishni va oʻrnatilgan tartibda roʻyxatdan oʻtkazishni rasmiylashtirish ma-salalari boʻyicha Samarqand viloyati elektromagnit moslashuv xizmatiga murojaat qilishingiz mumkin.

Manzil: Samarqand tumani, “Yoshlik” MFY. Telefonlar: 66-616-43-45, 66-616-44-15.

SAMARQAND VILOYATI ELEKTROMAGNIT MOSLASHUV XIZMATI.

OCHIQ MAʼRUZALAR OʻTKAZILADI!

2025-yil 15-may kuni soat 11:10 da SamDTU terapevtik stomatologiya kafe-drasi PhD v.b.dotsenti S.K.Muratova va SamDTU 1-son ichki kasalliklar kafedrasi PhD assistenti I.A.Axmədovlar talabalar bilan integral ochiq maʼruza oʻtkazadilar.

Mavzu: “Paradont kasalliklarining pro-filaktikasi. Dispanserizatsiya”.

Manzil: SamDTU terapevtik stomatolo-giya kafedrasi maʼruzalar zali.

2025-yil 16-may kuni soat 13:10 da SamDTU 2-son bolalar xirurgiyasi, 2-son pediatriya kafedralarining pediatriya fakultetining 4-kurs 425-430-guruh ta-labalari uchun integral ochiq maʼruzasi boʻlib oʻtadi.

Mavzu: “Bolalarda koʻkrak ichi bosimi-ni oshishi sindromi. Tugʻma oʻpka porok va anomaliyalari (lobar emfizema), oʻpka bakterial destruksiyasi asoratlari (pnevmo, pitoraks). Bolalarda oʻpkaning bakterial destruksiyasi. Bakterial destruksiyaning klas-sifikatsiyasi, klinikasi, tashxislash, davolash usullari”.

Maʼruzachilar: 2-son bolalar xirurgiyasi kafedrasi dotsenti, t.f.d. F.Sh.Mavlyanov, 2-son pediatriya kafedrasi mudiri, t.f.d., dotsent B.A.Yuldashev.

Manzil: 2-son bolalar xirurgiyasi kafed-rasi majlislar zali (Samarqand viloyat bolalar koʻp tarmoqli tibbiyot markazi).

Taklif qilinganlar: talabalar, kafedralar xodimlari, dekanat xodimlari, yosh peda-goglar, klinik ordinatorlar, magistratura rezidentlari va barcha qiziquvchilar.

Kafedra mudirlari: t.f.d., professor Yu.M.Axmədov, t.f.d., dotsent B.A.Yuldashev.

DAʼVOLAR BOʻLSA...

Past Dargʻom tumanidagi “AKMAL-BAO” fermer xoʻjaligi (STIR: 204387111) oʻz tash-kiliy-huquqiy shaklini toʻliq vorislik asosida “AKMAL-BAO” masʼuliyati cheklangan jami-yatiga oʻzgartiradi. “AKMAL-BAO” masʼuliyati cheklangan jamiyati “AKMAL-BAO” fermer xoʻjaligining barcha huquq va majburiyatlari boʻyicha huquqiy vorisi hisoblanadi.

Shu munosabat bilan unga bildiriladigan barcha daʼvolar gazetada eʼlon chop etil-gach, bir oy davomida qabul qilinadi.

Manzil: Past Dargʻom tumani, Gu-lakandoz mahallasi.

Samarqand shahrida xususiy amaliyot bilan shugʻullanuvchi notarius Joʻrayev Ka-moliddin Muhiddinovich notarial idorasida marhum Mirzayeva Fatimaga (2024-yil 17-dekabrda vafot etgan) tegishli mol-mulk uchun meros ishi ochilmoqda. Shu muno-sabat bilan merosxoʻrlarning Joʻrayev Ka-moliddin Muhiddinovich notarial idorasiga murojaat etishlarini soʻraymiz.

Manzil: Samarqand shahri Oʻzbekiston koʻchasi, 35-uy.

Samarqand tumanida xususiy amaliyot bilan shugʻullanuvchi notarius Ahtamov Erkin-jon Tolibjonovich notarial idorasida marhum Narziyeva Manzura Abdullayevnaga (2025-yil 13-martda vafot etgan) tegishli mol-mulk uchun meros ishi ochilmoqda. Shu munosa-bat bilan merosxoʻrlarning Ahtamov Erkinjon Tolibjonovich notarial idorasiga murojaat etishlarini soʻraymiz.

Manzil: Samarqand tumani Xoʻja Ahror Valiy mahallasi.

Samarqand shahrida xususiy amaliyot bilan shugʻullanuvchi notarius Aminov Mash-hurjon Yusufovich notarial idorasida marhum Fazilov Kuchkarga (2024-yil 17-avgustda vafot etgan) tegishli mol-mulk uchun me-ros ishi ochilmoqda. Shu munosabat bilan merosxoʻrlarning Aminov Mashhurjon Yusu-fovich notarial idorasiga murojaat etishlarini soʻraymiz.

Manzil: Samarqand shahri Sugʻdiyona maskani, 14/12-uy.

Bulungʻur tumanida xususiy amaliyot bilan shugʻullanuvchi notarius Salimov Otabek Mamayusupovich notarial idorasida marhum Ubayeva Maxiraga (2025-yil 20-aprelda vafot etgan) tegishli mol-mulk uchun meros ishi ochilmoqda. Shu munosabat bilan meros-xoʻrlarning Salimov Otabek Mamayusop-ovich notarial idorasiga murojaat etishlarini soʻraymiz.

Manzil: Bulungʻur shahri Mustaqillik maydoni.

Samarqand shahrida xususiy amaliyot bilan shugʻullanuvchi notarius Norqulov Al-isher Toshboltayevich notarial idorasida mar-hum Boltayev Aziz Qurbonovichga (2014-yil 21-dekabrda vafot etgan) tegishli mol-mulk uchun meros ishi ochilmoqda. Shu munosa-bat bilan merosxoʻrlarning Norqulov Alisher Toshboltayevich notarial idorasiga murojaat etishlarini soʻraymiz.

Manzil: Samarqand shahri Firdavsiy koʻchasi, 96-uy.

Samarqand shahrida xususiy amaliyot bilan shugʻullanuvchi notarius Rahmonov Sarvar Neʼmatilloevich notarial idorasida marhum Umarov Xasan Rustamovichga (2024-yil 21-aprelda vafot etgan) tegishli mol-mulk uchun meros ishi ochilmoq-da. Shu munosabat bilan merosxoʻrlar-ning Rahmonov Sarvar Neʼmatilloevich notarial idorasiga murojaat etishlarini soʻraymiz.

Manzil: Samarqand shahri Gagarin koʻchasi, 60-uy.

Toyloq tumanida xizmat safaridagi Sa-marqand shahrida xususiy amaliyot bilan shugʻullanuvchi notarius Tursunov Suhrob Berdiqulovich notarial idorasida marhum

Хамкасblарни хотирлаб



Устозлар қалбимизда

Инсон умри гулга ўхшайди, сўв қўйилиб парваришланса, яхши униб-ўсади. Энг гуллаган чоғида гўзаллигидан бахраманд бўлаётганларга завқ-шавқ бағишлайди. Салкам 40 йиллик умрини вилоят касабга уюшмалари ҳаётига бахшида этган тажрибали раҳбар, ажойиб қалб эгаси Мирзо Ҳайтовнинг умр йўлини ана шу гуллар ҳаётига менгзаш мумкин.

Мирзо Ҳайтов 1947 йилнинг 1 июнида туғилган. 1975 йилда Са-марқанд давлат архитектура-қурилиш институтини тугатган. Илк меҳнат фаолиятини 1964 йилда “Красный двигатель” заводи ишчиси сифатида бошлаган. Ҳарбий хизматдан сўнг 1984 йилгача “Узкоопстроймонтаж”, “Строй-механизация” трести, “Самарқанд-кимёқурилиш”, 5-қурилиш трести бошқармаларида бригадир, уста, муҳандис, бошқарма бошлиғи, трест бирлашган касабга уюшма қўмитаси раиси сифатида фидокорона меҳнат қилган. Ун йил қурилиш ва қурилиш ашёлари sanoati ходимлари касабга уюшмаси вилоят қўмитасини бошқар-ди. 1994-2013 йилларда вилоят касабга уюшмалари ташкилотлари бирлашмаси кенгаши раиси ўринбосари сифатида ишчи ходимлар, халқ манфаати йўлида улар билан ҳамнафас бўлди.

Самарқандда мактаб очиб, муал-лимлик қилган, жадидчилик ҳара-кати вакили Саидризо Ализода-нинг чевараси бўлиш Мирзо Ҳайтовнинг иш фаолиятида ҳам синови қунар-лқ бўлди. Ҳаёт имтиҳонларидан ўтиб, янги касабга уюшмалари ҳаётида ёшларга бош-қош, маслаҳатгўй оқ-соқол бўлиб, мустақиллигимизни мус-таҳкамлашда муносиб ҳисса қўшди.

Яқин йилларгача юртимизда касабга уюшмалари мутахассислиги бўйича кадрларни етиштириб берувчи ўқув юрти йўқ эди. Шу сабабли гоҳида ишлаш учун ҳаёт мактабида тобла-нишга тўғри келарди. Мирзо ака ана



шундай мактабда чиникиб, Ўзбекистон касабга уюшмалари федерациясининг фидойи ходими бўлиб етишди. Кўплаб ёшларга устозлик қилди. Шу кунларда ўз ҳаётини касабга уюшмалари тизими-га бахшида этган Ҳасан Нормуродов, Шухрат Дехқонов, Маждихон Усмонов, Ботир Бобоев, Сайдулла Раҳимов каби фидойи инсонлар қаторида Мирзо Ҳайтовни ҳам ёдга оляпмиз. Уларнинг ҳислат ва фазилатларини, одамийлик-ларини хотирляпмиз.

Касабга уюшмаларида, халқ ораси-да ўтган умр гоҳ осуда, гоҳ таъвиш-ли бу дамлар шогирдлар юрагига гавҳардек жойлашган. Устозлар билан ўтказган кунлар ҳаётдаги энг мунис дамлар бўлиб, хотиралари ёрқин юл-дуздек ёдга сочмоқда.

Ифтихор РАҲИМОВ, Таълим ва фан ходимлари касабга уюшмаси республика кенгаши вилоят бўйича масъул ташкилотчиси.

Umurov Inoyatillo Rahmonberdiyevichga (2024-yil 12-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxoʻrlarning Tursunov Suhrob Berdiqulovich notarial idorasiga murojaat etishlarini soʻraymiz.

Manzil: Toyloq tumani Beruniy koʻcha-si.

Toyloq tumanida xususiy amaliyot bilan shugʻullanuvchi notarius Hasanov Aloviddin Gʻiyosiddin oʻgʻli notarial idorasida mar-hum Ochilov Farid Asliddinovichga (2024-yil 19-iyulda vafot etgan) tegishli mol-mulk uchun meros ishi ochilmoqda. Shu munosa-bat bilan merosxoʻrlarning Hasanov Aloviddin Gʻiyosiddin oʻgʻli notarial idorasiga murojaat etishlarini soʻraymiz.

Manzil: Toyloq tumani Toyloq sha-harchasi.

Jomboy tumanida xususiy amaliyot bilan shugʻullanuvchi notarius Mirzayeva Barno Joʻraqulovna notarial idorasida marhum Nasriyev Amridinga (2021-yil 9-martda va-fot etgan) tegishli mol-mulk uchun meros ishi ochilmoqda. Shu munosabat bilan me-rosoxoʻrlarning Mirzayeva Barno Joʻraqu-lovna notarial idorasiga murojaat etishlarini soʻraymiz.

Manzil: Jomboy tumani Zebuniso koʻchasi, 4-“A” uy.

Toyloq tumanida xususiy amaliyot bilan shugʻullanuvchi notarius Hasa-nov Aloviddin Gʻiyosiddin oʻgʻli notarial idorasida marhum Jonuzoqov Ibodullo Murodilloyevichga (2024-yil 26-senta-brda vafot etgan) tegishli mol-mulk uchun meros ishi ochilmoqda. Shu munosabat bilan merosxoʻrlarning Hasanov Alovid-din Gʻiyosiddin oʻgʻli notarial idorasiga murojaat etishlarini soʻraymiz.

Manzil: Toyloq tumani Toyloq sha-harchasi.

TOPGANGA MUKOFOT!

Samarqand viloyat ichki ishlar boshqar-masidan Nuralliev Sayidali Safaralievichga berilgan 08221 raqamli guvohnoma Samar-qand shahri hududida tushirib qoldirilgan. Ushbu hujjati topganlardan mukofot evaziga qaytarishlarini soʻraymiz.

Telefon: +99899-310-54-89.

BEKOR QILINADI

Narpat byurosidagi “NARPAT HIMOYASI” advokatlik tumanining (STIR: 207331091) dumaloq muhri yoʻqolganligi sababli bekor qilinadi.

Fuqaro Urunov Baxtiyor Shodikulovichga qarashli Samarqand tumani “Xoʻja Ahrori Vali” MFY, Zarafshon koʻchasi, 50-uy-joyning kadastr hujjatlari toʻplami yoʻqolganligi sa-babli bekor qilinadi.



Qadimda Past Darg'om Anhor, Ko'cha Malik nomlari bilan ham yuritilgan va hududda tarixiy joylar ko'p bo'lgan. Hozir tumanda yuzdan ziyod mahalla, o'nlab ziyoratgoh va tarixiy maskanlar bor. Biroq aksariyatining tarixi o'rganilmagan.

OSHIQ OTA AMIR TEMURNING HARBIY AMIRI BO'LGAN

Ana shunday tarixiy joylardan biri Oshiq ota ziyoratgohidir. Oshiq ota deyilishiga sabab o'zbeklarning minglar va turkmanlar guruhida oqshiq urug'i bor. Minglar va turkmanlarning oqshiq urug'i Past Darg'om tumanida yashagan. Ishtixon tumanidagi Sheyxlar, Urgut tumanida To'g'ali, Mirzabog'lon, Past Darg'om tumanidagi Oytamg'ali, Qora, Jayra(Jayli) qishloqlarida minglar jamoasi hozir ham yashaydi.

Oshiq ota qabristoniga nafaqat Past Darg'om, balki Oqdaryo va Ishtixon tumanlaridan minglar, turkmanlar jamoasi dafn etilgan. Tarixchi olim Azim Malikovning "Zarafshon vohasining turkiy etnonim va etnotoponimlari" asarida oqshiq minglarning tug'ali jamoasi tarkibidagi urug' ekanligi va oqshiq nomli joy nomi mavjudligi keltirilgan. O'zbekiston Milliy ensiklopediyasida keltirilishicha, minglar o'zbek xalqi tarkibiga kirgan qabilalardan biri.

Ming qabilasi XV asrdan Movarounnahr hududida o'zbek qabilasi sifatida tilga olingan. Ular Samarqand viloyati, Farg'ona vodiysi, Buxoro, Surxondaryo, Xorazm, Tojikistonning Hisor tumanida yashagan. Zarafshon vodiysida yashovchi minglar uchta yirik urug'ga, bu urug'lar o'z navbatida yana bir qancha kichik urug'larga bo'lingan: to'g'ali (axmat, chag'ir, to'yi namoz, oqshiq va boshqalar); bog'lon (chibli, qora, mirza va boshqalar); uvoq tamg'ali (alg'o'l, chaut, jayli, o'ramas, to'qnamos, kiyuxo'ja, yarat) urug'lari. Qo'qon xonligi hukmdorlari minglar sulolasidan bo'lgan.

Buxoro vohasida yashovchi minglar ham Buxoro amirligi siyosiy hayotida faol qatnashgan. Xonlikdagi muhim mansablarni minglarning beklari egallab kelgan. O'ratega va Urgut beklari ham minglardan bo'lgan. Past Darg'om tumanida o'rta asrlarda Samarqand va Buxoroni bog'lovchi savdo yo'li yoqasida To'g'ali nomli mahalla bo'lgan. Bu mahallada minglarning oqshiq urug'i yashagan. Oqshiqqlar Amir Temur qo'shinida xizmat qilgani bois ularning sardoriga harbiy yurishlarda alohida xizmatlari uchun tug' berilgan. Shuning uchun oqshiqqlar yashagan hudud To'g'ali nomi bilan yuritilgan.

Amir Temurning "Temur tuzuklari" asarining "Katta nog'ora va bayroq ato etish" tuzugida "Amr qildimki, o'n ikkita amirlarning har biriga bitta bayroq va bir nog'ora berilsin, Amir ul umaroga bayroq va nog'ora, tumon tug'i va chortug' taqdim etsinlar. Mingboshiga esa bir tug' va karnay bersinlar. Yuzboshi va o'nbo'shiga bit-tadan katta nog'ora bersinlar. Aymoqlarning amirlariga bittadan burg'u taqdim etsinlar. To'rt beglarbegining har biriga bittadan bayroq, nog'ora, chortug' va burg'u, qaramog'imdagi qirq aymoqdan o'n ikkitasiga tamg'a berilsin. Tamg'aga yetmagani yigirma sakkiz aymoq boshliqlariga ulus amirligini berdim", deyiladi. Sharafiddin Ali Yazdiyning "Zafarnoma"sida Amir Temur qo'shini-ni yettita qo'l (qism) dan iborat qilib tartib berganini yozadi. Yetti qo'ldan uchinchi qo'lni amir Muhammad Xurosoniy boshqargan. Oshiq ota ziyoratgohidagi qabrtoshda Amir Haydar ibn Muhammad Xurosoniy nomi yozilgan. Oshiq ota ana shu Amir Muhammad Xurosoni-ning nisbasi, ya'ni xalq uni Oshiq ota deb ulug'lagan. Amir Haydar esa Muhammad Xurosoniyning o'g'li bo'lib, 958-yilda vafot etgan.

IMOM OTA ZIYORATGOHI

Past Darg'om tumani Imomjon tarixiy yodgorligi mahallasida Imom ota ziyoratgohi mavjud. Abu Tohirxoja-niing "Samariya" asarida Imom ota mozori Anhor tumanida, ushbu otdan mashhur bo'lgan o'rnidir. Uning tarjimai holi belgilik emas. Sog'onasi uzuncha tepaga o'xshaydi, deb keltirilgan. Tarixiy manbalarga ko'ra, Qavchin qabi-

lasining Imom nomli urug'i mavjud. Shu urug'dan Amir Husayn Qavchin yashab o'tgan. Amir bo'lgani uchun u kishini xalq Imom ota deb atagan. Abulg'oz Bahodir-xonning "Shajarayi turk" asarida yozilishicha, turklar ulug' kishilarni ota deb ulug'lagan. Zangi ota, Qilich ota, Cho'pon ota kabi. O'zbekiston Milliy Ensiklopediyasida qavchinlar urug'i haqida quyidagi ma'lumot keltirilgan: "Qavchin o'zbek xalqi tarkibiga kirgan qabilalardan biri. Chig'atoy ulusining eng yirik to'rt qabilasidan biri (jaloyir, barlos, orlot) sanalgan.

Chingizxon bu 4 qabilani to'rt ming jangchi bilan o'g'li Chig'atoyga berib, ularning har qaysisi uchun tegishli hudud ajratgan. Ular bir qancha urug'larga bo'lingan. Eng yiriklari beguzuv, balxi, ko'rpachuvish, bo'zchi, kashmiri, sulaymon, imom, bo'yin, tug'ali, po'lati, sher-ali, tuyabo'yin bo'lgan. Arxeolog V.Vyatkin 1902-yilda "Samarqand viloyati tarixiy-geografik materiallari" asarining "Anhor tumani" bo'limida qadimiy Imom qishlog'i Qavchin soyniing yonida joylashganing yozib qoldirgan. Imom ota qabristonida Xoja Amir Husayn ibn Amir Hasan Qavchinning 1400-yilda vafot etganligini hozirda saqlanib qolgan qabrtoshdan o'qiymiz..

NAJMIDDIN OTA ZIYORATGOHI

Bu joy tumanning Gumbaz qishlog'ida joylashgan. Tarixchi Azim Malikovning "Zarafshon vohasining turkiy etnonim va etnotoponimlari" asarida qipchoq qabilalarining bir tarmog'i Gumbaz deyiladi. Gumbaz urug'iga mansub Oqjahra ibn Bayram, Xonpo'lot Bahodir ibn Sayid Bahodir, Amir Muhammad ibn Amir Muhammad Ali kabilar Najmiddin ota qabristoniga dafn etilgan.

IFTIXOR SHAYX ZIYORATGOHI

Bu ziyoratgoh Qumariq qishlog'ida joylashgan. Iftixor shayx Yassaviya tariqatining shayxi bo'lib, XVI asrda yashagan. Olim Shayx Azizonning "Lamahot" asarida Iftixor Shayx haqida muhim manba yozilgan. Jumladan, Iftixor Shayx Makkada yetti yil yashagan va ulug' avliyolar bilan uchrashgan. Makkadan qaytganidan keyin Qosim Shayx Azizonga shogird tushadi. Iftixor Shayxning qabri Samarqandning Anhor degan joyidagi Qumi qishlog'ida, ziyorat eting va tabarruk biling, deb yozilgan. Shayx ziyoratgohida Xollibek ibn O'rozalibek, Mirakon ibn Oybo'sh, Meliquldum Yo'ldosh o'g'li nomlari yozilgan qabrtoshlar mavjud.

ZORMON OTA ZIYORATGOHI

Tumanning Zormon mahallasidagi bu ziyoratgohga Amir Ismoil ibn Tug'bek ibn Sulaymon Samarqandiy (1428-yilda) dafn etilgan. Qabrtosh yilidan ma'lumki, Amir Ismoil Amir Temur va temuriylar qo'shinida xizmat qilgan ulus amiri bo'lgan. Aholi bu joyni aziz bilib ziyorat qilishadi.

JO'YBOR SHAYX ZIYORATGOHI

Ziyoratgoh Ilm mahallasining Baqiroq qishlog'ida, qadimgi Jo'ybor qishlog'i o'rnida qad rostlagan. Bu qishloqda buxorolik Jo'ybor shayxlari yashagan. Ziyoratgohdagi qabrtoshlarning birida Jahon binti Shayx Shahobiddin (1416-yil) dafn etilgan nomi yozilgan. Azlartepa ziyoratgohi Sanchiqul qishlog'ida joylashgan. Bu joyda temuriylar shajarasiga mansub Darvesh ibn Darvesh Muhammad (1565-yilda) dafn etilgan. Darvesh ota ziyoratgohi Xonchorbog' qishlog'ida bo'lib, bu yerda temuriy Abdullaxoja ibn Darvesh (1554-yilda dafn etilgan) qabri mavjud.

Past Darg'om tumanida ko'plab tarixiy yodgorliklar, ziyoratgohlar, qabrtoshlar, tepaliklar mavjud bo'lib, tadqiqot ishlari davom etmoqda.

Sharifjon SAXATOV
tarixchi, muzeysunos.

Hunarmandlar mahsulotiga AQSh va Turkiyada xaridor ko'p

Bugungi kunda viloyatimizda "Hunarmand" uyushmasiga a'zo bo'lgan hunarmandlar 2345 nafarni tashkil etadi. Ularning aksariyati o'zlari yasagan, to'qigan yoki tikkan mahsulotlarini xorij davlatlariga ham sotmoqda. Buni shu yilning birinchi choragida 2 million AQSh dollari miqdorida hunarmandchilik mahsulotlarining ichki va tashqi bozorlarga sotilganidan ham bilish mumkin.

Xo'sh, chetda samarqandlik hunarmandlarning qanday mahsulotlariga xaridor ko'p, degan savol tug'ilishi mumkin. Tabiiyki, eksport qilingan mahsulotlar Samarqand nomi, tarixi, bugunini aks ettirib beradigan ashyolar bo'lmoqda. Ya'ni, chetda eng ko'p talabga ega bo'lgan yo'nalishlar, asosan, yog'och o'ymakorligi, mis o'ymakorligi, kulolchilik, kashtachilik, miniatyura va rang-tasvir san'ati, milliy liboslar, musiqa asboblari kabi yuksak badiiy qimmatga ega hunarmandchilik turlari bo'ldi.

Ushbu yo'nalishlarda faoliyat olib borayotgan yurtimizning ustalari yaratgan noyob mahsulotlar Rossiya, AQSh, Qozog'iston, Turkiya, Yevropa mamlakatlari va boshqa xorijiy davlatlarga eksport qilinyapti. Shu bilan birga, sayohatga kelgan xorijliklar bu mahsulotlarni xarid qilmoqda.

Alohida ta'kidlaydigan bo'lsak, bugungi kunda yog'och o'ymakori Mansur Asadov, kashtachi G'ulom Isayev, milliy liboslar bo'yicha dizayner Lena Ladik, miniatyura va rang-tasvir ustasi Mansur Nurilayev, milliy liboslar mutaxassisi Hamida Inoyatova, akademik kulol Sharif Azimov o'z mahsulotlarini asosan Qozog'iston, Turkiya, Rossiya, AQSh va qator Yevropa davlatlariga mahsulotlarini sotmoqda.

Shu o'rinda bir imkoniyatni ham aytmasak bo'lmaydi. O'zbekiston Respublikasi Prezidenti 2019-yil 28-noyabrda "Hunarmandchilikni yanada rivojlantirish va hunarmandlarni qo'llab-quvvatlash bo'yicha qo'shimcha chora-tadbirlar to'g'risida" qaror qabul qildi. Ushbu hujjat ijrosiga ko'ra, hunarmandchilik mahsulotlarini elektron savdo orqali sotishni yo'lga qo'yish borasida respublika bo'yicha yagona tizimga birlashtirilgan "Hunarmand" uyushmasining www.uzcrafts.com veb-sayti yaratildi. Ichki va tashqi bozorga mahsulotlar reklamasi namoyish etish maqsadida www.ihunar.uz savdo maydonchasi tashkil etildi.



Hozirda yuzlab hunarmandlarimiz ushbu sayt va platforma orqali yasagan mahsulotlarining narxini ko'rsatgan holda ijtimoiy tarmoqqa joylashtirib bormoqda. Masalan, bunday imkoniyatdan Urgut tumanida faoliyat yuritayotgan kashtado'z G'ulom Isayev, Samarqand shahrida yashovchi yog'och o'ymakori Mansur Asadov, Samarqand tumanida faoliyat yuritayotgan zargar Hasan Qurbonov, miniatyura va rang-tasvir ustasi Alisher Ochilov, milliy musiqa asboblari yasovchi Bobomurod Haydarov, kulollar Firdavs Berdiyev va No'mon Obloqulov samarali foydalanib, o'zlari yasagan hunarmandchilik mahsulotlari reklamasi jahon elektron savdo maydonchalariga chiqarmoqda va savdosini tashkil etmoqda. Mamlakatimizda turizmni rivojlantirishga bo'lgan yuksak e'tibor tufayli hunarmandlar mahsulotlariga chetdan talab ortmoqda. Shundan kelib chiqib, 2025-yil oxirigacha hunarmandchilik mahsulotlarining ichki va tashqi savdosi miqdorini 10 million AQSh dollaridan oshirishni maqsad qilganmiz.

Umid HAKIMOV,
"Hunarmand" uyushmasi viloyat boshqarmasi boshlig'i.



Кексалик касаллик эмас

1985 йилдан буён, 45 ёшимдан II гуруҳ ногирониман. Ёшлигимда ғўза ҳашаротларига қарши заҳарли дориларни самолёт бортига жойлаштирганим учун касалланиб, жигар циррозидан даволаниб келаман. Аслида гап менга тиббиётчилар қўйган ташхис ҳақида эмас.

Бир неча йилдан бери доимий соғломлаштириш машқлари билан шугулланаман. Вилот нуронийларни спортга жалб қилиш бўйича мутасаддис, профессор Ҳамроқул Рофиев томонидан ўтказиладиган барча мусобақаларда доим қатнашиб келаман. Бу каби спорт мусобақалари, ҳеч бўлмаганда, оммавий юриш машқларини ҳар бир маҳаллада ташкил этиш мумкин.

Мен юқорида бежиз ёшим ва соғлигим ҳақида маълумотларни келтирмадим. Чунки кўпчилик кексалар 70 ва ҳатто 60 ёшдан ошгандан кейин бўғим касалликлари, қон босими юқорилигидан шикоят қилиб, дўхтирма дўхтир юради. Лекин ҳар кун пиеда юринг, деса ўзим зўрга юрибман, дея бу ишга ҳафсала қилмайди. Ваҳоланки, пиеда юриш биз, кексалар учун қони фойда.

Мен билан шугулланидиган тенгдошларим ва бошқалар ҳар кунги юриш машқларидан сўнг саломатлиги анча яхшиланганини айтишади. Афсуски, ўзига, саломатлигига бекунт инсонлар жуда кўп.

Ҳар бир маҳаллада нуроний фаоллар бор. Улар шундай саломатлик юришларини, энгил машқларни ташкил этса, мамлакатимизда кексалар ўртасида касалликлар сони анча камайган бўларди. Бунга ишончим қомил. Чунки пиеда юриш нафақат соғлигимизга, балки кайфиятимизга ҳам ижобий таъсир кўрсатади. Нафақага чиққач, баъзи кексалар тушқунликка тушиб қолади, спорт эса яхши кайфият бағишлайди, оиладаги муҳитга ижобий таъсир кўрсатади.

Қаҳрамон НАМОЗОВ,
Иштихон тумани.

SHU OYDA TAVALLUD TOPGANLAR

14-MAY

Sharif AZIMOV – 1954-yilda Samarqand shahrida tug'ilgan. Kulol. O'zbekiston Badiiy akademiyasining haqiqiy a'zosi.

Toshpo'lat SAFAROV – 1953-yilda Kattaqo'rg'on tumanida tug'ilgan. Texnika fanlari doktori, professor.

15-MAY

Vohid ABDULLAYEV – (1912-1985) Samarqand shahrida tug'ilgan. Filologiya fanlari doktori, akademik.

Eliboy QORABOYEV – (1917-1989) Ishtixon tumanida tug'ilgan. Ikkinchi jahon urushi qatnashchisi. Qahramon.

Abdusaid KO'CHIMOV – 1951-yilda Urgut tumanida tug'ilgan. O'zbekistonda xizmat ko'rsatgan jurnalist.

Rustam ALIYEV – 1949-yilda Samarqand shahrida tug'ilgan. Boks bo'yicha sport ustasi, o'smirlar o'rtasida jahon chempioni. O'zbekistonda xizmat ko'rsatgan sport ustosi.

16-MAY

Nuriddin SHUKUROV – (1930-1995) Samarqand tumanida tug'ilgan. Filologiya fanlari doktori. O'zbekistonda xizmat ko'rsatgan fan arbobi.



MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 14 548 nusxada chop etildi. Buyurtma 224. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ

bosmaxonasida chop etildi.

Korxona manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.
Bosishga topshirildi: soat 19:00

Navbatchi muharrir:


G'.HASANOV.

Navbatchi:

O'.XUDOYBERDIYEV.


Sahifalovchi:

B.ABDULLAYEV.



Saytimizga o'tish uchun QR-kodini telefoningiz orqali skaner qiling

ISSN-201667X



Sotuvda
narxi kelishilgan holda